



Farg'ona haqiqati

Ijtimoiy-siyosiy, ma'naviy-ma'rifiy gazeta

<http://farhaqiqat.uz/> t.me/farhaqiqati

“Садои Фарғона” – “Фарғона ҳақиқати” газетасининг 110 йиллигига

ЖАДИДЛАРНИНГ ИЖТИМОЙ-СИЁСИЙ МИНБАРИ ЭДИ



1914 йил 3 апрелдан нашр этила бошлаган “Садои Фарғона” газетаси ўша даврда халқни уйғотишда, маърифат сари етаклашда жуда катта аҳамият касб этди. Газетада эълон қилинган мақолалардан бирида ёзилганидек, “1913-1914-йилларида туркистонликлар кўб тараққий этдилар. Шу йилларда муҳтарам (Садои Туркистон) бирла (Садои Фарғона) чиқиб бир-бири билан хабардор бўлмаган одамларни хабардор қилди, Оврўпа бирла Азиядан бўлсада хабарлаша бошладилар. Шунингдек, миллий бўлган турунгни бошламак учун ибратли-ибратли сўзлар ва миллий шеърлар ёза бошладилар”.

2 бет

ФЕРМЕРЛАР ҚЎЛИНИ СОЯБОН ҚИЛИБ ТУРАДИГАН КУНЛАРГА ОЗ ҚОЛДИ

Оқ либосга бурканган майдонлар бўйлаб бир маромда пахта териш кетаётган терим машиналарини кузатиш қанчалар завқли. Шундай кунлар ҳам яқинлашиб қолди.



Фарғонада Хитойнинг 78 йиллик тажрибага эга йирик “Shandong swan cotton industrial machinery stock” Co. LTD компанияси билан ҳамкорликда амалга оширилган лойиҳа яқин кунларда пахта-тўқимачилик кластерлари ҳамда фермерлар ишини бирмунча энгиллаштириди, мавсумда қўл меҳнати улушини камайтиради, тез ва сифатли пахта йиғиб-териб олиш имкониятини яратади. Шу ҳафтада старт берилган истиқболли ҳамкорлик доирасидаги лойиҳа асосида Фарғона шаҳридаги

собиқ механика заводи ҳудудида пахта териш машиналари йиғилади, техникаларга сервис хизмати кўрсатиш маркази ҳамда механизаторлар учун ўқув маркази ташкил этилади. Лойиҳа ишга тушгач, пахта териш машиналари дастлабки 20 фойзли

тўлов билан 10 йил муддатга лизинг асосида савдога чиқарилади, пахта-тўқимачилик кластерлари ва фермер хўжалиқларига 15 фойзли субсидия ажратилади.

Ўз мухбиримиз.

Бугуннинг гапи

Бошқарув сервис компанияси

Ўзини оқлаяпти(ми?)



Сир эмаски, аввал кўп қаватли уйларга хизмат кўрсатиш бўйича хусусий уй-жой мулкдорлари ширкатлари фаолият юритар эди. Уларнинг аҳоли мурожаатидан келиб чиқиб иш кўрмаслик, зиммасидаги мажбуриятларини бажармаслик, шунингдек, мулкдорлардан олган маблағи эвазига тўлақонли хизмат кўрсатмаслиги ҳақли эътирозларга сабаб бўлаётганди.

Ўзбекистон Республикаси Президентининг 2021 йил 19 июндаги “Кўп квартиралли уй-жойларни бошқариш тизимини янада такомиллаштириш тўғрисида”ги қарорига кўра, 2022 йил 1 июлга қадар амалга оширилган лойиҳа доирасида Қорақалпоғистон Республикаси, вилоятлар ва Тошкент шаҳрида жойлашган кўп квартиралли уй-жойлар бошқарувчи ташкилотларга бириктирилди.

Мазкур қарор асосида бириктирилган ҳудудда танланган бошқарувчи ташкилотга шартномаларга асосан барча кўп квартиралли уй-жойларни бошқариш, шунингдек, яқна тартибда қурилган уйларга, мулкчилик шаклидан қатъи назар, ташкилотларга коммунал ва авария вазиятларини бартараф этиш хизматларини кўрсатиш, тегишли ҳокимлик билан тузилган шартно-

мага асосан, ҳудудни кўкаламзорлаштириш ва ободонлаштириш, 24 соат мобайнида фаолият юритадиган диспетчерлик ва авария вазиятларини бартараф этиш хизматини ташкил этиш вазифалари юклатилди.

Қўқон шаҳридаги 737 та кўп қаватли уйларнинг бунёд этилиши асосан 1970 йилларга тўғри келади. Ўтган йилларда уларнинг коммунал тизими, ертўла қисми маънан эскирди. Аёнки, эски уйларда истиқомат қилувчи аҳоли мурожаатлари ҳам талайгина. Бу масалага ижобий ечим сифатида 23850 та хонадонлар 8 та бошқарув сервис компанияларига бириктирилди.

2 бет

Хунармандлар шахри Марғилон ЮНЕСКО томонидан ташкилланган “Анъанавий хунармандчилик: этно дизайн ва тадбиркорлик” мавзусида семинар-тренинг машғулотларига мезбонлик қилмоқда. Унда республикамизнинг барча вилоятларидан хунармандлар, дизайнерлар ва ёш мутахассислар иштирок этишмоқда.



Ўзбекистон номоддий маданий меросини асраш ва тарғиб қилиш ҳамда ижодкорликни рағбатлантиришга қаратилган семинар-тренинг юртимизда хунармандчилик сифати ва дизайнини яхшилаш орқали соҳани ривожлантиришни қўллаб-қувватлашга ёрдам беради.

– Республикамизнинг таниқли эксперт, уста ва дизайнерлари томонидан олиб борилаётган ўқув машғулотларида тингловчиларга ўзбек миллий либослари тарихи, вилоятларга хос дизайни борасида кенг маълумотлар берилмоқда, уларга ўз брендини яратиш, маҳсулотини жаҳон бозорига олиб чиқиш тенденциялари ўргатилмоқда, дейди вилоят “Хунарманд” уюшмаси Фарғона вилоят бошқармаси бошлиғи Расулжон Мирзааҳмедов. – Бу янги иш ўринларини ташкил этиш, хотин-қизлар ва ёшларнинг турмуш даражасини оширишга йўл очади.

Семинар-тренингда иштирок этаётган Малика Давлетниязова Қорақалпоғистон Республикасидан ташриф буюрган. У қорақалпоқ миллий кашталарини тикади ва ўтов безакларини тўқийди. Айни кунда устозларидан кўп йиллик тарихга эга каштачилик намуналарини

ХУНАРМАНДЛАР МАРҒИЛОНДА ЖАМ БЎЛИШДИ

ўрганмоқда. Самарқандлик Мухтасар Маматвалиева эса ўз вилоятига хос миллий либослар яратади. У ижод намуналари билан қатор кўرғазмаларда иштирок этиб келмоқда. Мақсади тобора унгутилиб бораётган либосларга сайқал бериб, келгуси авлодга етказиш.

– Миллий либослар халқнинг этник тарихи ва маданиятини, эстетик қарашлари, диди ва анъаналарини ўзида акс эттиради, – дейди санъат-

шунослик фанлари доктори Бинафаха Нодир. – Ўзбек анъанавий кийимлари дизайни юртимиз ҳудудлари, инсонларнинг ёши ва жинсига қараб фарқланади. Мато турлари, безаклари ҳам бир-бирини такрорламайди.

Тренинг ғолиблари Марғилонда ўтадиган анъанавий “Атлас байрами”да ўз кўрғазмалари билан иштирок этадилар.

Маҳиёра БОЙБОБОВА.

